

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



არასამთავრობო ორგანიზაციები გეგუთის # 14 დაწესებულებაში პატიმრის გარდაცვალებასთან დაკავშირებით განცხადებას ავრცელებენ

გავრცელებული ინფორმაციით 2014 წლის 4 მარტს, დაახლოებით დამის 2:30 საათზე, გეგუთის N14 დაწესებულებაში, ექვსადგილიან საკანში, სადაც ხუთი მსჯავრდებული იმყოფებოდა, პატიმრებს შორის დაპირისპირების შედეგად ერთ-ერთი მსჯავრდებული გარდაიცვალა.

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



პირველადი ინფორმაციით, გარდაცვლილ პატიმარს მრავლობითი დაზიანებები აქვს მიყენებული, მათ შორის თავისა და ყელის არეში. გარდაცვალების ზუსტი მიზეზი ექსპერტიზის ჩატარების შემდეგ გახდება ცნობილი. ფაქტზე დაწყებულია გამოძიება.

არასამთავრობოები სამძიმარს უცხადებენ გარდაცვლილი პატიმრის ოჯახის წევრებს და აღნიშნავენ, რომ აუცილებელია ფაქტზე ჩატარდეს ეფექტიანი გამოძიება, რათა გამოვლინდეს და პასუხისმგებლობა მიეცეს ყველა დამნაშავე პირი. გარდა ამისა, უმნიშვნელოვანესია დადგეს გეგუთის #14 დაწესებულების იმ თანამშრომელთა პასუხისმგებლობის საკითხი, რომლებსაც შეეძლოთ მოეხდინათ სათანადო რეაგირება პატიმართა შორის დაპირისპირებაზე და თავიდან აეცილებინათ ასეთი მძიმე შედეგით ინციდენტის დასრულება.

ბოლო პერიოდში გეგუთის დაწესებულებაში მომხდარი ინციდენტები ცხადყოფს, რომ ადმინისტრაცია ვერ უზრუნველყოფს დაწესებულებაში წესრიგსა და უსაფრთხოებას. სამწუხაროდ, ეს არ გახლავთ აღნიშნულ დაწესებულებაში პატიმრის გარდაცვალების ერთადერთი ფაქტი. შეგახსენებთ, რომ გასული წლის მაისის თვეში თითქმის ანალოგიურ ვითარებაში - კერძოდ, პატიმრების მიერ განხორციელებული ძალადობის შედეგად გარდაიცვალა მსჯავრდებული ლევან კორტავა.

არასამთავრობოები მოუწოდებენ სასჯელაღსრულებისა და პრობაციის სამინისტროს და სასჯელაღსრულების დეპარტამენტს გაატარონ ყველა ის პრევენციული ღონისძიება პატიმართა კლასიფიკაციისა და განთავსების წესების დაცვით, რომელიც უზრუნველყოფს თავისუფლების აღკვეთის დაწესებულებებში სათანადო წესრიგს და მსჯავრდებულთა უსაფრთხოებას და მინიმუმამდე დაიყვანს პატიმართა შორის კონფლიქტების, დაპირისპირების და მსგავსი უმძიმესი ფაქტების ალბათობას.

ხელმომწერი ორგანიზაციები:

ციხის საერთაშორისო რეფორმის სამხრეთ კავკასიის რეგიონული ოფისი

საქართველოს ახალგაზრდა იურისტთა ასოციაცია

"ქალთა ინიციატივების მხარდამჭერი ჯგუფი"

წამების მსხვერპლთა ფსიქოსოციალური და სამედიცინო რეაბილიტაციის ცენტრი (GCRT)

"კონსტიტუციის 42-ე მუხლი"

„ახალგაზრდა ადვოკატები"

"საქართველოს პროფესიონალ ფსიქოლოგთა ასოციაცია" (GPPA)

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



„ახალგაზრდები სამართლიანობისთვის“

საზოგადოებრივი დამცველი

გლობალური ინიციატივა ფსიქიატრიაში - თბილისი (GIP)